

# 陳庭欣證分訊 十億少奶夢碎

## 缺席男友生日惹揣測



■李俊昊向粉絲派心。 lg 圖片

**李俊昊社長出差會粉絲**

韓團2PM成員李俊昊挾韓劇《颱風商社》餘威到台北舉行見面會。前日(28日)他帥氣登場獻唱《Nobody Else》一曲後高呼：「台北，Are you ready?」全場粉絲瘋狂尖叫。他表示今年以劇中社長「強太風」的角色度過，能夠在年末再次跟大家見面，真的很幸福，也很想念大家。

今年4度訪台的李俊昊，分享抵台後做了半身浴及吃了牛軋餅，又即場喝起珍珠奶茶，及獻唱劇集歌曲《Did You See The Rainbow?》。被問到身為社長，會如何挽留想離職的員工？他笑說：「沒有錢，只能給你們很多愛，不要離職，我愛你們！」。



■兩人經常放閃晒恩愛。 lg 圖片



■陳庭欣為2010年港姐冠軍。 資料圖片

前港姐冠軍陳庭欣(Toby)與傳聞坐擁十億身家的彩豐行老闆富豪男友楊振源相戀8年，並長期處於同居狀態，惟近日Toby自爆「結婚非人生Top 5」兼缺席男友生日，引發分手疑雲。事件發酵多日，Toby昨日(29日)親認分訊，承認跟男友已分手2、3個月，表示二人因了解而分手，並不涉及第三者。

**陳**庭欣昨出席TVB宣傳造勢活動時，被傳媒追問與男友感情是否生變，「其實我一直都有想搵機會同大家講，咁啱前排因為社會上都出現唔開心嘅火災事件，我覺得唔係時候去同大家分享，咁所以依家都有個緣分，就同大家講我依家係Single。」至於分手原因，「我只能夠講係大家嘅看法同三觀有啲唔同，就唔能夠再嘍埋一齊，其實係兩三個月前。」

### 雙方三觀不同

被問到是否逼婚問題導致分手？Toby表示：「我自己本身都有結婚嘅概念，而我屋企人都唔催我，所以如果大家係適合，就算結唔結婚都有分別。」至於男方是否太多女性埋身？「我覺得有啲嘢留番俾我同佢，我只能夠講大家三觀唔一樣。(大家有冇共同物業?)我同佢依家係有嘅。(屋企人知唔知?)屋企人都比較遲(知道)，因為我一向都唔鍾意同屋企人分享一啲佢哋會覺得唔開心嘅嘢，身邊好親密嘅朋友係一早知。(已搬離愛巢?)依家一個人住。」

## 姚焯菲淺嘗香檳 預告明年有新歌

19歲的「聲夢小花」姚焯菲(Chantel)趁紐約大學放假即返港投入工作，更爭取機會和粉絲「小菲象」互動保持人氣。日前她以四眼學生Look出席新城勁爆頒獎禮，並獲《勁爆Z世代樂勢力女歌手》金獎佳績，待頒獎禮完畢後，她即應「小菲象」之約在場外見面，又親口向粉絲道謝，「多謝大家支持，我今年有3個月唔啱香港，但係多謝你哋咁支持，我下年應該會出更多歌。」

她之後又接受粉絲送上的祝賀香檳，只是她不識扭開香檳塞，要勞煩身邊工作人員代勞，當成功開蓋後，就跟工作人員及粉絲分享香檳，現時19歲大個女的她可豪氣飲番杯，不過只淺嘗一口，相當識節制。

另外，Chantel於社交平台分享在紐約過白色聖誕的靚相，着住厚襪及戴上保暖耳罩的她造型可愛，見她到充滿小鎮風格的建築物中，抬頭欣賞燈飾；還有網上流出她在紐約街頭拍廣告的花絮片，着上套裝襯短裙在街路上匆匆走過，氣質非凡。



■四眼學生Look好迷人。 lg 圖片



■陳庭欣是著名主持人及演員。 lg 圖片

## 關智斌牛一同鄭希怡撐枱腳

男神關智斌(Kenny)今日45歲生日，近日頻頻獲好友約飯局慶祝，繼與蔡卓妍(阿Sa)和曾樂彤日前食好西後，鄭希怡(Yumiko)前日(28日)亦與Kenny單對單撐枱腳。Kenny在社交平台留言：「多謝『相對濕度』特登為我準備嘅生日飯，趁你老公同埋個女都唔啱香港就撐枱腳，我問佢仲會唔會做我演唱會嘉賓，佢話唔好再搞佢住，所以呢一晚食番餐好



■鄭希怡為Kenny準備生日飯。 lg 圖片

嘅！」Kenny又再提到明年2月21日(大年初五)將於澳門開騷，希望一切順順利利。